

BODO (CODE: 092)
CLASS-XII (2020-21)

	खोन्दो - क सुंथाबै सौनाय (Objective Type MCQ Paper)	
सौंथि नम्बर	नुजायै खोन्दो (Unseen Comprehension)	थिखानाय नम्बर (10)
सौंथि नं. 1.	<p>गाहायाव होनाय खोन्दोफोरखौ मोजाङ्गै फराय :</p> <p>जुक्ति गैयि फोथायनायानो खाना फोथायनाय। बुहुमनि गासै हारिनि गेजेरावनो खाना फोथायनाय दं। बिजिरगिरिफोरनि मोन्दांनाय बादिब्ला ईस्वोरनि गोहोनि सायाव फोथायनायनिफ्रायनो खाना फोथायनाय सोमजिदौ। आरो बेयो थांना थादौ सुबुंनि धोरोमारि आसार खान्थि, फोथायनाय, सुबुंनि नेमखान्थिनि गेजेरजौ। जायनि जाहोनाव गोबां अगेन हाबा मावजादौ आरो गोबां खाबु लादौ राजखान्थिगिरिफोरा, धोरोम गुरुफोरा आरो थगायसुला सियान मानसिफोरा।</p> <p style="text-align: center;">खाना फोथायनायनि गुदि जाहोना जादौ सोलौंथाइनि आंखाल। सोलौंथाइनि सोरांजौसो खाना फोथायनायखौ फोजोबसांनो हायो।</p>	5x1=5
	गाहायाव होनाय सौंथिफोरनि फिननाय सायख' :	
(i)	<p>खाना फोथायनाया मा ?</p> <p>क) जाय फोथायनाया जुक्तिनि सायाव सोनारनाय नडा</p> <p>ख) जाय फोथायनाया जुक्तिनि सायाव सोनारनाय</p> <p>ग) नुयि मानसिया जि फोथायो बेनो खाना फोथायनाय</p>	1
(ii)	<p>सुबुंनि गेजेराव सोलिनाय खाना फोथायनायनि गुबै जाहोना मा ?</p> <p>(क) बिजिरसं सालिनि आंखाल</p> <p>(ख) सोलौंथाइनि आंखाल</p> <p>(ग) राजखान्थिगिरि आरो धोरोमगुरुफोरा थार लामा दिन्थिनायाव फेल्ले जानायनि थाखाय</p>	1
(iii)	<p>मानि गेजेरजौ खाना फोथायनाया थांनानै थायो ?</p> <p>(क) सुबुंनि आसार खान्थिनि गेजेरजौ</p> <p>(ख) धोरोमगुरुफोरनि गेजेरजौ</p> <p>(ग) राजखान्थिगिरिफोरनि गेजेरजौ</p>	1
(iv)	<p>'इसोर फोथायनाया खाना फोथायनाय।' - बेयो थार नंगौ ना नडा ?</p> <p>(क) नंगौ</p> <p>(ख) नडा</p> <p>(ग) गोजौनि मोननैबो नडा</p>	1
(v)	<p>मानि सोरांजौ खाना फोथायनायखौ फोजोबसांनो हागौ ?</p> <p>(क) अरनि सोरांजौ</p> <p>(ख) सोलौंथाइनि सोरांजौ</p>	1

	(ग) साननि सोरांजों	
	एबा	
	<p>गाहायाव होनाय फरा खोन्दोखौ गोसो होनायै फराय : आंनि गेवसानाया सुबुंनि जिउ थसेखौ मोनजाफुंनाय। साफ्रोमबो मानसिया जिउनि बे गोनां जिरादखौ गावबा गावनि लामार्जों बेखेवसानो नागिरो। नाथाय बेनि जाउना एबा बे गेवसानायनि जखाया गोबाडैनो जुदा जुदा। आसोलाव बयबो मानसियानो आइननि मेगनाव समान एबा बयनिबो जिवा समानै गोथार। सासे दुथां एबा बिबायारिखौ बुथारब्ला जेसेबां फाब जायो सासे राजखुंगुर एबा गाहाइ मन्त्रीखौ बुथारब्लाबो एसेबां फाब जायो। थेवबो नाथाय बेनि गेजेरावनो गेदेर-उन्दैनि बाथायाबो हाबनानै दं। मोनसेल' नडा गोबां आयदायावनो मानसिनि देरसिन-दुयसिनखौ नुयो। देहा आरो गोसोआवबो मानसिया समान नडा। खायसेबा दैत्य असुर बादि गोजौ गेदेर, खायसेबा उन्दै थेफ्रा फ्रा, खायसेबा द्लामैनो गियानि, खायसेबा साननो रोडै थौले गोसोनि। खायसेबा लहा बादि गोरा गोगोम गोसोनि, खायसेबा थलं थफं लोरबां गोसोनि। देहा आरो गोसोनि बेफोर जुदाथिया मानसिनि गेजेराव गाहाय-गोजौ, गेदेर-उन्दै लाबोदों। बे जुदाथिनि जाउना बेनो दि थांना थानायनि जुजिलायनायाव खायसेबा गावनि थांखिफोरखौ मालायनिखुइ सिगां मोनहैग्रोयो, खायसेबा मालायफोरनिखुइ बांसिन आरो साबसिन खामानि मावनो हागौ, जायनि थाखाय बिसोर मुंदांखा जायो।</p>	
	गाहायाव होनाय सौंथिफोरनि थार फिननायखौ सायख' :	5x1=5
(i)	सुबुडा जिउ मोनसेयाव देरहासारनोब्ला मा जानांगोन ? (क) मानसिनि 'आं' आ गेवसानांगोन (ख) मानसिनि 'नों' आ गेवसानांगोन (ग) मानसिनि 'बि' आ गेवसानांगोन	1
(ii)	सोरनि मेगनाव बयबो मानसियानो समान ? (क) मानसिनि मेगनाव (ख) समाजनि मेगनाव (ग) आइननि मेगनाव	1
(iii)	मानसिया मा मा बिथिडावबो समान नडा होनना बुंनाय जादों ? (क) गोसो आरो देहा (ख) गोसो आरो महर (ग) गोसो आरो सावस्रि	1
(iv)	मानसिनि गेजेराव फारागखौ माया लाबोदों ? (क) मेगन आरो नोजोरनि फारागथिया (ख) साननाय आरो मावनायनि फारागथिया	1

	(ग) गोसो आरो देहानि फारागथिया	
(v)	<p>“सासे दुथां एबा बिबायारिखौ बुथारब्ला जेसेबां फाब जायो सासे राजखुंगुर एबा गाहाइ मन्त्रीखौ बुथारब्लाबो एसेबां फाब जायो” - बेनि जाहोना मा ?</p> <p>(क) मानोना बयनिबो जिवा समानै गोथार</p> <p>(ख) मानोना जिउनि जेबो बेसेन गैया</p> <p>(ग) मानोना रावनिबो जिवानो ओंथि गैया</p>	1
सोंथि नं 2.	<p>गाहायाव होनाय फरा खोन्दोखौ मोजाइँ फराय :</p> <p>दोहोनि आरो निखावरि-बे मोननै सारिनि मानसिफोरनि अराय जुजिलायनायखौ नुनानै कार्ल माकर्सा बहुमनि रांखान्थिखौ बेसादनि आखुजौल' बिजिरदोंमोन, इसोरनि महर एबा दोहोरोमखौ बियो सिमान जायाखैमोन। अब्ला फारसेथिडै गुबुन सानसुमै मानसिफरा अदोहोरोमनि गोमोथाव बहुमनि दुलाराय सुबुं हारिनि गेजेराव गुलाय गुजाय फैजानो गिदोंमोन आरो दाबो गियो। बहुमनि मुंदांखा साइक'लजिष्ट फ्रयेदा जेब्ला गोरलै गथ'नि आखुवावबो सेक्सनि इसारा नुनायनि बाथ्रा बुडौ, अब्ला लामा सामा मानसिफोरजौं मुजुजायो, सेन्देल-जुथाजौं खुबैजायो। नाथाय दानि मुगायाव फ्रयेदनि बाथ्राखौ मानिनानै लानायाव रावहाबो अजद गैलिया। बेयो सैथोनि देरहानाय-फ्रयेदनि देरहानाय। बे बाथ्राखौ बुडोब्ला जागोन दि मेगनजौं नुनानै फोथायनो हाथावथाव फोथायहोनो हायोब्ला फोथायनाय आरो गिनायनि थाखाय बेफोर बादि दुखु-दाहा, साजा कष्ट मोननाया जेरैब्लाबो जानो हाया। नाथाय बेखौबो जौं सिमान जायाब्ला राहा गैया दि, मेगनजौं नुनानै फोथायनो हाथावथाव फोरमान होनो हायै सैथोबो दं जायखौ नेवसियोब्ला दुलाराय सुबुं हारियानो दुखु-दाहा, खैदां-खैफोद सैनाडो।</p>	5x1=5
	गाहायाव होनाय सोंथिफोरनि थार फिननायखौ सायख' :	
(i)	<p>कार्ल माकर्सा सोरमोन ?</p> <p>(क) सासे राजखान्थिगिरि आरो सानथौगिरि</p> <p>(ख) सासे रांखान्थिगिरि आरो सानथौगिरि</p> <p>(ग) सासे रांखान्थिगिरि आरो फोरोंगिरि</p>	1
(ii)	<p>फ्रयेदा गोरलै गथ'नि आखुवाव सेक्सनि इसारा दं होननाय बाथ्राखौ मानसिफोरा मानो फोथायनो गोब्राब मोनदोंमोन ?</p> <p>(क) मानोना बे बाथ्राया हारि बेरेखामोन</p> <p>(ख) बे बाथ्राया गनायथाव थाव नंथारामोन</p> <p>(ग) फ्रयेदखौ बयबो फागला होनना सानदोंमोन</p>	1
(iii)	<p>फ्रयेदनि गोरलै गथ'नि आखुवावबो सेक्सनि इसारा दं होननाय बाथ्राखौ उनावहाय गनायना लानाय बाथ्राया मानि देरहानाय होनना रायथायाव बुंनाय जादों ?</p>	1

	(क) गोसोनि देरहानाय (ख) सैथोनि देरहानाय (ग) आथोननि देरहानाय	
(iv)	बुहुमाव गुबुन मा रोखोमनि सैथोबो दं ? (क) मेगनजों नुना फोरमान मोननो हानाय (ख) मेगनजों नुयै फोरमान होनो हायि (ग) मेगनजों नुना गोसोजों फोथायै	1
(v)	फ्रयेदआ सोरमोन ? (क) सासे समाज सिबियारि (ख) सासे मुंदांखा राजखान्थिगिरि (ग) सासे साइक'लजिष्ट	1
	एबा	
	<p>आखलआनो जादों सानफ्रोमबो थांनानै थानायाव मानसिनि मावनाय, दांनाय, साननाय-हनायनि गेजेरजों बेरखांनाय फाव। मानसिआ संसारआव थांनानै थानाय समाव सानफ्रोमबो गावनि नखरनि गेजेराव एबा समाजनि गेजेराव मावनाय-दांनाय, रायनाय-होननायाव मानसिनि आखलआ नुजायो। बे आखलफोरनि गेजेराव बबेबा मोजां बबेबा गाज्जि। जायबादि आखलआ बास्राय जाथाव, सोलौंथाव बेफोरनो मोजां, आरो जायबादि आखलआ मुगैथाव, लाजिथाव बेफोरनो गाज्जि। जैरै सानफ्रोमबो सैथो राव बुंनाय, गाहाम हाबा मावनाय बेफोरनो जाबाय मोजां आखल, आरो मालायखौ सोलिनानै जानाय, मालायनि इनाय खालामनाय बेफोरनो जाबाय गाज्जि आखल।</p> <p>आखलखौ आरो मोनसे जुदा नोजोरैबो बिजिरनानै बुखाव जायो। जैरै-थैस'नि आरो दसेनि आखल। थैस'नि आखलआ जादों जोनोमनि लोगो लोगो फेफानानै मानसि थैनाय समसिम थानाय। बेनि नेर्सनफोरा जादों- खायसे गिख', खायसे गोहो-गोरा, खायसे लाजि गुसु, खायसे लाजि रोड, खायसे खुगा रेजें, खायसे आखाइ गुसु, खायसे आखाइ गोख्रै, खायसे गावनि नामखौ गाव फोसावग्रा बायदि बायदि।</p>	
	गाहायाव होनाय सौंथिफोरनि थार फिननायखौ सायख' :	5x1=5
(i)	आखलआ मा ? (क) सुबुंनि मावनाय, दांनाय, साननाय-हनायनि गेजेरजों बेरखांनाय फाव (ख) सुबुंनि गेजेराव गावखौ मोजां दिन्थिनो दिन्थिनाय फाव (ग) आखलआ जादों बिमा-बिफानि थैनिफ्राय मोननाय फाव	1
(ii)	मोजां आखल माखौ बुडो ? (क) गावनिल' बाथ्रा साननायानो मोजां आखल (ख) गावखौ समाजाव फोसावनो नाजानाय आखलआनो मोजां आखल (ग)बास्रायजाथाव, सोलौंथाव आखलआनो मोजां आखल	1
(iii)	आखलआ गुबैयै मोनबेसे बाहागोनि ? (क) मोनसे (ख) मोननै (ग) मोनथाम	1
(iv)	मालायखौ सोलिनानै जानाय, मालायनि इनाय खालामनाय बेफोर मा आखलाव	1

	गोलैगोन ? (क) बारगा आखल (ख) गाजि आखल (ग) मोजां आखल	
(v)	थैस' आखलनि बिदिन्थिफोरा जादों- (क) खायसे गिख', खायसे जौ लोंगा, खायसे धोरोमसुला बायदि (ख) खायसे गिख', खायसे लाजि गुसु, खायसे खुगा रेजें बायदि (ग) खायसे गिख', खायसे खुगा रेजें, खायसे फोथायखेबस' बायदि	1
सोंथि नम्बर	बाहायारि रावखान्थि	थिखानाय नम्बर (16)
सोंथि नं 3.	सोंथि नं 3 आव मोनबा सोंथिफोर होनाय दं। जायखि जाया मोनब्रैनि फिननाय हो :	4x1=4
(i)	गाहायाव होनायफोरनि बबे मोनसेया जरा सोदोब ? (क) रं-रुफा (ख) आलासि-बेरदर (ग) दोहोनि-गोरिब	1
(ii)	दा- सिगां दाजाबदाखौ थाइजा सोदोबनि सिगाडव फज'योब्ला मा ओँथि फोरमायो ? (क) नंगौ ओँथि (ख) नडि ओँथि (ग) गोजौनि मोननैखौबो फोरमायो	1
(iii)	-फोर उन दाजाबदाखौ गाहायनि बबे मोनसे सोदोबजों बाहायनाय जाया ? (क) जों (ख) नों (ग) बि	1
(iv)	बर' रावाव दाजाबदाया मोनबेसे ? (क) मोनथाम (ख) मोनब्रै (ग) गोबां	1
(v)	गाहायाव होनायफोरनि बबे मोनसेया थि दिन्थिगा दाजाबदानि ओँथि फोरमायदों ? (क) गोबां मानसि (ख) सानैसो मानसि (घ) सासे मानसि	1
सोंथि नं. 4.	सोंथि नं 4 आव मोनबा सोंथिफोर होनाय दं। जायखि जाया मोनब्रैनि फिननाय हो :	4x1=4
(i)	गाहायनि बबे मोनसे सोदोबाव जो आथोन दाजाबदानि बाहायथि गैया। (क) हंलि (ख) रानि (ग) सिनायथि	1

(ii)	-बाय थाइजा दाजाबदाया मा बिदिन्था एबा समखौ फोरमायो ? (क) जाफु बिदिन्था (ख) दा जाखां बिदिन्था (ग) सिगां जाखां बिदिन्था	1
(iii)	बि- दाजाबदाया गाहायनि बबे मोनसे सोदोबजों दाजाबजायोब्ला मुंमा सोदोब जागोन ? (क) बुंथि (ख) जिर (ग) लिर	1
(iv)	थारजा बेखेवफा दाजाबदेरनाय मोनसे सोदोबा जादों - (क) जा-बाय (ख) जा-आ (जाया) (ग) दाउ-फोर	1
(v)	बुथार सोदोबाव थार महरा मा ओंथि फोरमायदों ? (क) गोथै (ख) फोथै (ग) फोथां	1
सोंथि नं. 5.	सोंथि नं 5 आव मोनबा सोंथिफोर होनाय दं। जायखि जाया मोनब्रैनि फिननाय हो :	4x1=4
(i)	'आदा नांग्रां बाजै सिगां'नि ओंथिया- (क) जंखायलाबायगा सुबुं (ख) बिदा-बिबाजैजों गोरबना थानो रोडै (ग) दलर थानो रोडै एबा मावथैरै	1
(ii)	'जासे जानानै खाइबावालि'नि ओंथिया- (क) सोरबा जाहोग्रा, लोंहोग्रा एबा आगोर होग्रा मानसिनि मुं सुनाय (ख) सोरबा जाहोग्रा, लोंहोग्रा एबा आगोर होग्रा मानसिनि मुं बारस्रायनाय (ग) सोरबा जाहोग्रा, लोंहोग्रा एबा आगोर होग्रा मानसिखौ हेफाजाब खालामनाय	1
(iii)	'जानो मोनजाब्ला हाथाइ नांगायो'नि ओंथिया- (क) गोथाव मुवा जाखांनायनि उनाव अहानाय मोननाय (ख) गोथाव मुवा मोनजाब्ला जानो लुबैबायथानाय (ग) गोथाव गोथाव मुवा जासे जानानै उदै बुंनाय	1
(iv)	हास्राव हाया हाब्रु जाया-नि ओंथिया- (क) गाज्जि आखुवा मोजां जाफिनै (ख) गुबै मुस्रिखौ मिथिनो बारा गोबाव नाडै (ग) थगायनो सानब्लाबो थगायनो हायै	1
(v)	-सिन उन दाजाबदाखौ मा ओंथि फोरमायनो बाहायनाय जायो ? (क) मोनसे ओंथि फोरमायनो (ख) सानैनि गेजेराव रुजुनाय दिन्थिनो (ग) गोबांनि गेजेराव रुजुनाय दिन्थिनो	1

सौथि न. 6.	सौथि नं 6 आव मोनबा सौथिफोर होनाय दं। जायखि जाया मोनब्रैनि फिननाय हो :	4x1=4
(i)	-सोर उनदाजाबदाखौ गाहायनि बबे मोनसे सोदोबजौ बाहायनाय जाया? (क) गाव (ख) मा (ग) बि	1
(ii)	गाहायाव होनायफोरन बबे मोनसे खान्थिया बर'फोरनि सोदोब दानाय खान्थिनि गेजेराव गोलैया? (क) होनजाब सोदोब आरो दाजाब सोदोब (ख) जथाइ सोदोब (ग) मुंमा सोदोब	1
(iii)	बि- सिगां दाजाबदा बाहायनानै दाजानाय गाहायनि बबे मोनसे सोदोबा गेबें लिर? (क) बिबार (ख) बिथां (ग) बिसोर	1
(iv)	गावथार सोदोबाव थार महरा मा औंथि फोरमायदों ? (क) फोथै (ख) गोथै (ग) गोथां	1
(v)	- दों उनदाजाबदाया गाहायनि बबे मोनसे सोदोबजें दाजाबजायोब्ला गेबें औंथि फोरमायगोन ? (क) मानसि (ख) दाउ (ग) दाव	1
सौथि नम्बर	फरा-बिजाब	थिखानाय नम्बर (14)
सौथि नं. 7.	गाहायाव होनाय सौथिफोरनि थार फिनखौ सायख' :	4x1=4
(i)	एण्डेल मुगानि समा जादों- (क) 1860-1912 (ख) 1864-1911 (ग) 1884-1911	1
(ii)	लोन्थि एबा बसन्त बेराम जानायनि गुबै जाहोना जादों- (क) बिमा मोदाइ हमनाय	1

	(ख) भाइरास एबा जिउसार्जो सोमजिनाय (ग) गुबुन मोदाइजो रागा जानायनि थाखाय	
(iii)	'संसारनि अन्नाय' खन्थाया मा बाहागोनि खन्थाइ ? (क) रमान्टिक (ख) मिष्टक (ग) पेट्रिअटिक	1
(iv)	"संसारनि अन्नाय" खन्थायाव थानाय 'मेलेमथारा'नि ओंथिया मा ? (क) जुथिमोनि, थावथारा (ख) गोजोनि, साननो हायि (ग) जेबो रोडि, आदुवा	1
सौंथि नं. 8.	गाहायाव होनाय खन्थाइ खोन्दोखौ गोसो होना फराय : साप्रोमबोनि गोर्बोआ मोनफा मोनफा जाहार हासार-बहा। जाय बेगरखौ फोयो बेनो रज'यो। बयबो गोर्बो हासारजो कालाहान्दिखौ फबहै आरो एमबु ज'रानि हाबा होनानै अखा लिंहर बिनि खराना खारथोसै अखानि दैजो बैसुमुथिनि गोर्बोआ गोजोन्थोसै। बेसेबा मिजिक गोदानै खिलिफिन्थोसै।	
	गाहायाव होनाय सौंथिफोरनि थार फिनखौ सायख' :	5x1=5
(i)	कालाहान्दिआ मा ? (क) उरिष्यानि आंखालजो नारखेबजानाय आरो गोग्लैसोनानै थानाय मोनसे ओनसोल (ख) बिहारनि आंखालजो नारखेबजानाय आरो गोग्लैसोनानै थानाय मोनसे ओनसोल (ग) गिदिर बालाहामा	1
(ii)	'गोथां गाब गाथोसै' खन्थाइयाव खन्थाइगिरिया गोथां गाबजो माखौ फोरमायदो ? (क) गोरबो हासारखौ (ख) बैसोमुथिखौ (ग) मिथिंगाखौ	1
(iii)	एमबु जरा होनायनि ओंथि एबा थांखिया मा ? (क) अखा लिंहरनाय	1

	(ख) दोरोडारि नेम-खान्थिखौ फालिनाय (ग) रंजानायनि मोनसे फोरबो	
(iv)	'गोथां गाब गाथोंसै' खन्थाइयाव 'बिनि' होनना सोरखौ एबा माखौ फरोमायदों ? (क) बैसुमुथिखौ (ख) सुबुंनि गोसोखौ (ग) खन्थाइगिरिखौ	1
(v)	गोथां गाब गाथोंसै खन्थाइयाव खन्थाइगिरिया माखौ गोदानै खिलिफिनथोंसै होनना बुंदों ? (क) बिफालाइफांखौ- गोर्बोखौ (ख) ग) मिजंकखौ)	1
सौंथि नं. 9.	गाहायाव होनाय फरा खोन्दोखौ गोसो होना मोजाडै फराय : गोगो दैनि लोंगा आंखाल एबा सावस्रि गैयि आबहावानि थाखाय जौनि गोबां गामि गफा आरो गोबां ओनसोलाव डायेरिया, मेलेरिया, जण्डिस बायदि गोबां बेराम जेब्लाबो जेराव-मेरावनो जायो। बेफोर बेरामनि थि जाहोन दं आरो होबथानाय-फाहामनायनि गोनोखोआरि राहा दं। माबा जादु-मोन्थोर एबा थाबिज मुलिजों बेफोर बेराम सोमजिनोबो हाया एबा फाहामनोबो हाया। नाथाय माखासे सोलोगोनां आरो स्वार्थ गोनां सुबुडा माखासे नखर एबा सुबुंखौ जुनियायै माखासे गोरिब आइजोखौ दाइनि साजायनानै साजा होयो आरो सिथारो। बेनिखुइ जुनादारि हाबा आरो नेहाद बाथा मा दंबावो! माखासे सुबुडा हरखाबै सिमाडाव माबा गोहोनिफ्राय सुबुंनि बेराम फाहामनायनि मुलि एबा मोन्थोर मोननाय होननानै दाबि खालामो। गुबुन साफा-सानै सुबुडा हरखाबै माबा सोमोनांथाव गोहोनि बिगुमा जादों होननानै, दानि-इयुननि बाथा बुंनो हानाय, अदेबानि इयुनखौ सायख'ना होनो हानाय जादों होननानै आरो गासैफ्राम बेरामखौनो फाहामना होनो हानाय जादों होनना दाबि खालामो। बिब्दि दाबिनि जेबो बिथा गैया आरो समाव बेफोर गोरान्थि होननानै फोरमान जायो। नाथाय खाना फोथायग्रा माखासे सुबुंनि दैदेननायजों बेफोर जाथाइया जाबाय थायो। बेफोर जाथाइयानो सुबुं आरो समाजनि माबादि खहा खालामो एसे सानब्लानो मोन्दांनो हायो।	
	गाहायाव होनाय सौंथिफोरनि थार फिननायखौ सायख' :	5x1=5
(i)	गामि ओनसोलाव मा जाहोननि थाखाय डायेरिया, मेलेरिया, जण्डिस बायदि बेरामफोरा जानो हायो ? (क) साखोन-सिखोन थायिनि थाखाय (ख) लोंगा दैनि आंखालनि थाखाय (ग) गोगो लोंगा दैनि आंखाल एबा सावस्रि गैयि आबहावानि थाखाय	1
(ii)	जादु-मोन्थोर एबा थाबिज मुलिजों जायखि-जाया बेराम सोमजिहोनो एबा फाहामनो- (क) हायो (ख) हाया (ग) खायसेखौ हायो खायसेखौ हाया	1
(iii)	समाजाव दाइनि साजायना बुथारनाया गाहायै मा जाहोननि थाखाय जाफलेबाय	1

	थायो ? (क) सोल्लोथाइ मोननाय गोरों जानायनि थाखाय (ख) खाना फोथायनायनि थाखाय (ग) गोजौनि मोननैबो फिननाया नंखाय	
(iv)	सिमाडाव मोननाय मुलिखौ बेरामिया मानो बाहायैया मोजां? (क) बेफोरनि जेबो बिथा गैया (ख) बेफोर मुलिखौ बाहायोब्ला खैफोदावसो गोलैनो हागौ (ग) गोजौनि फिननाया मोननैबो थार	1
(v)	दानि-इयुननि बाथा बुंनो हानाय अदेबानि इयुनखौ सायख'ना होनो हानाय गोहोखौ सुबुडा बबेनिफ्राय मोनो ? (क) खाना फोथायनायनिफ्राय (ख) गोथौ नायबिजिरनायनिफ्राय (ग) ध्यान खालामनायनिफ्राय	1
	खोन्दो - ख (Descriptive Type Paper)	
सौथि नम्बर	फोरमायलु सौथि (Descriptive Question)	थिखानाय नम्बर (14)
सौथि नं. 10.	गाहायाव होनाय सौथिफोरनि मोननैनि सुंथाबै फिन लिर (20-25 सोदोबनि गेजेराव) :	4x2=8
(i)	A Collection of Kachari Folk Tales and Rhymes मुंनि बिजाबाव थानाय दौनै सल'नि मुं लिर।	2
(ii)	सिदनि एण्डेलआ सोर ? बियो माब्ला जोनोम मोनदौमोन ?	2
(iii)	गोनोखोगिरिफोरा आनजाद आरो बिजिरसनाय हाबायाव बाहायनाय मोननै दाजेमनि मुं लिर।	2
(iv)	बसन्त बेराम जानायनि गोनोखो गनायनाय जाहोना मा ?	2
(v)	गोथां गाबखौ मानि थाखाय गाथोंसै होनना खन्थाइगिरिया फोरमायदों ?	2
सौथि नं. 11.	गाहायाव होनाय सौथिफोरनि जायखि जाया मोननैनि फिन लिर (40-50 सोदोबनि गेजेराव) :	2x3=6
(i)	जों माबोरै गोनोखोआरि गोसो दानो हागौ बुजायना लिर।	3
(ii)	दाजाबदानि बाहागोफोरखौ मख'नानै सावराय।	3
(iii)	'सिमाडाव मोननाय मुलिखौ' बेरामिया मानो बाहायैया गाहाम फोरमायना लिर ।	3
सौथि नम्बर	लिरनाय	थिखानाय नम्बर (26)
सौथि नं. 12.	बेखेवना लिर (40-50 सोदोबनि गेजेराव) :	2x3=6
(i)	गाहायाव होनाय बाथा भावखौ बेखेवना लिर - 'गराइ नुब्ला सिं बायो।' एबा 'सिखावनि सालाइया खान्दा।'	3

(ii)	<p>“खोलोमा थुंग्रिनिखुरै देरसिन।” -बे बिबुंथिनि मदद होनानै एबा बेरेखा साननानै नौनि सानथाइखौ फोरमाय।</p> <p>एबा</p> <p>“गाव मोजांब्ला बयबो मोजां।” – बे बाथ्राखौ फेहेरना लिर।</p>	3
सौंथि नं. 13.	<p>गाहायाव होनाय खन्थाइ खोन्दोखौ बेखेवना लिर-</p> <p>संसारनि अननाया जेसेखि आंगो जाया</p> <p>जेसे नोडो गोसो जिउ होसारथारा</p> <p>हुरा-हुरानो जिबौ बादिनो बिनि सौनाया खारथारा।</p> <p>एबा</p> <p>आं लुबैयो औरैबादि अननायसो</p> <p>जेसे हागौ एसे,</p> <p>फिरायो फालासे,</p> <p>नेवसि जाब्लाबो जिया गोदै,</p> <p>सैमा बायसा नडासै।</p>	5
सौंथि नं. 14.	<p>हारियारि खौसेथि गैलायिनि थाखायनो फोलेरारि गोरोबलायै, समान्थाइ नडै एबा गोरोन्थि सालनायनाय सोमजियो आरो बेनो समाव फोलेरारि दांगानि महर मोननो हागौ। - बे बिबुंथिनि मदद होनानै एबा बेरेखा साननानै नौनि सानथाइखौ फोरमाय। (मोन 100 सोदोबनि गेजेराव)</p> <p>एबा</p> <p>गुदि फरायसालि सोलौंथाइनि थाखाय बिमा राव बिजोडानो साबसिन बिजौं। -बे बिबुंथिनि मदद एबा बेरेखा साननानै नौनि सानथायखौ फोरमाय। (मोन 100 सोदोबनि गेजेराव)</p>	5
सौंथि नं. 15.	<p>नौनि जायगायाव नुजानाय सोलौंथाइनि जेनाखौ लानानै रादाब बिलाइनि सुजुगिरिनिसिम गांसे लाइजाम लिर।</p> <p>एबा</p> <p>बर'फोरनि बैसागु रंजाथाय फोरबोनि सोमोन्दै फोरमायनानै रादाब बिलाइनि सुजुगिरिनिसिम गांसे लाइजाम लिर।</p>	5
सौंथि नं. 16.	<p>गोलोम बोथोर बन्दनि थाखाय गंसे फरायसालिनि गाहाइ फोरौंगिरि जानानै गांसे मिथिसार बिलाइ लिर।</p> <p>एबा</p> <p>फरायसालियाव जानो गोनां बोसोरारि गेलेनाय बादायलायनायनि सोमोन्दै फरायसाफोरनो फोरमायनानै नौ सासे गेलेमु नेहाथारि जानानै गांसे मिथिसार बिलाइ लिर।</p>	5